

# **MISSINGIUT**

## **Aalisakkanit nioqqtissianik uillunillu uumasunik il.il. kiisalu taakkunannga sinneruttut aamma sinneruttunit taakkunannga nioqqtissiat sananeqartut eqquunneqarneranni killeqarfimmik nakkutilliinermut akiliineq pillugu Kalaallit Nunaannut nalunaarut**

Inuussutissat il.il. pillugit inatsisip Kalaallit Nunaanni atortuulersinneqarnissaanik peqqussummi nr. 523-imi, 8. juni 2004-imeersumi § 53, imm. 2 malillugu, aamma Uumasuni nappaatit tunillannartullu pillugit inatsisip Kalaallit Nunaanni atortuulersinneqarnissaanik peqqussummi § 33, imm. 2 malillugu, Fødevarestyrelsip aamma Namminersorlutik Oqartussat suliaat pisinnaatitaaffilu inuussutissanut uumasullu nakorsaqarnermut tunngasut Miljø- og Fødevareministerimit aqunneqartut pillugu nalunaarummi nr. 1005-imi, 25. August 2017-imeersumi § 3, imm. 1-imi aamma 2-mi piginnaatitsissut malillugu aalajangersarneqarpoq:

**§ 1.** Aalisakkanit nioqqtissianik uillunillu uumasunik il.il. kiisalu taakkunannga sinneruttut aamma sinneruttunit taakkunannga nioqqtissiat sananeqartut, eqquunneqartut, ingerlateqqitassatut assartorneqartut imaluunniit nunamit pingajuusumit usilersoqqinnejartut pillugit killeqarfimmik nakkutilliinermi akiliisarneq nalunaarummi matumani pineqarpoq.

**§ 2.** Nalunaarummi matumani tuliuttut ima paasineqassapput:

- 1) Aalisakkanit nioqqtissiat: Immami tarajulimmi- aamma tarajoqanngitsumi uumasut tamarmik (uillut uumasut il.il. kiisalu uumasut miluumasut, uumasut paarmortut aamma naratsit minillugit), taakku nujuartuuppata imaluunniit kinguaassioritaappata apeqquaatinngagu kiisalu uumasunit taakkunannga nerineqarsinnaasut tamaasa, timaasa ilaat aamma nioqqtissiat tamaasa.
- 2) Uillut il.il.: Uumasut qituttut marlunnik qaleruallit, tinumasulimmik amillit, immap uumasui qimerloqanngitsut allat aamma immap siuterui.
- 3) Uumasut qituttut marlunnik qaleruallit: Uumasut qituttut Lamellibranchiata-tut suussusillit, nerisassamik nerisamik millugunneqannginneranni nakkartitsisartut.
- 4) Nuna niueqatigineqartoq: EU-mi nuna, Kalaallit Nunaat, Norge, Island, Liechtenstein, Andorra, Savalimmiut aamma Schweiz. Nunat taakku tamarmik katillutik niueqatigiiffittut taaneqassapput. Sumiiffit tulliuttut taamaattoq niueqatigiiffimi ilaanggillat:
  - a) Kunngeqarfimmi Spaniami Ceuta aamma Melilla.
  - b) Kunngiitsuuffimmi Frankrig-imi nunat nunasiaataasimasut Frankrig-imilu nunap immikkoortiterneqarnerani nunap ilai.
- 5) Nunat pingajuusut: Nunat niueqatigiiffiup avataaniittut.

**§ 3.** Nunanit pingajuusunit aalisakkanit nioqqtissiat aamma uillut uumasut il.il. nerisassatut suliarineqartut eqquunneqarneranni killeqarfimmi nakkutilliinermut akitsusiinikkut akileraarummik tonsimut 116 kr.-iusumik akiliisoqassaaq.

*Imm. 2.* Aalisakkanit nioqqtissiat uillullu uumasut il.il. imm. 1-imi ilaatinneqartut containerikkut eqquunneqarpata, taamaattoq taamaallaat nakkutilliinermut akitsusiinikkut akileraarummik tonsimut 25 kr.-iusumik akiliisoqassaaq.

## **MISSINGIUT**

**§ 4.** Aalisakkanit nioqqtissianit uillunillu uumasunit il.il. sinneruttunit nioqqtissiat aamma sinneruttunit taakkunannga nioqqtissiat sananeqartut nunanit pingajuusuneersut eqqunneqarneranni killeqarfimmi nakkutilliinermut tunngaviusumik akiliut 288 kr.-iusoq akilerneqassaaq, tassungalu ilanngullugu akunnerup kuartiisa aallartinneri tamaasa 433 kr.-it akilerneqassallutik.

**§ 5.** Aalisakkanit nioqqtissianik uillunillu uumasunit il.il. nerisassatut suliarineqartunik kiisalu taakkunannga sinneruttunik aamma sinneruttunit taakkunannga nioqqtissianik sananeqartunik ingerlateqqitassanik assartuinermi imaluunniit usilersueqqinnermi tunngaviusumik akiliut 288 kr.-iusoq akilerneqassaaq, tassungalu ilanngullugu akunnerup kuartiisa aallartinneri tamaasa 433 kr.-it akilerneqassallutik.

**§ 6.** Nunanit pingajuusunit nioqqtissianik taamaattunik akitsuuserisoqarfinnit, frizonit toqqorsiviinit aamma umiarsuarnik taquassalerinermerik suliffeqarfinnit pilersuinermi taakkunanngalu allamut ingerlatitseqqinnermi §§ 3 aamma 4 taamatuttaaq atutissapput.

**§ 7.** Nunanit immikkut ittunit, sumiiffinnit imaluunniit suliffeqarfinnit, aalisakkanit nioqqtissianik uillunillu uumasunit il.il. nerisassatut suliarineqartunik kiisalu taakkunannga sinneruttunik aamma sinneruttunit taakkunannga nioqqtissianik sananeqartunik immikkoortitanik, laboratoriami misissueqqissaarnissanut, EU-mi malittarisassat malillugit naalakkiutigineqartunut, nassiussinermi aamma laboratoriami akuerisaasumi misissueqqissaarnermi aningaasartuutiviit akilerneqassapput.

**§ 8.** Qinnuteqartumi pissutsit pissutigalugu killeqarfimmi nakkutilliinernut naammassineqarsinnaanngitsunut, § 4-mi akigititat malillugit tunngaviusumik akiliutip assinga kuartinik 8-nik ilallugit akiliisoqassaaq.

**§ 9.** Nakkutilliinermut atatillugu nioqqtissianik suliarinninnermi aamma taamaaliortoqassappat toqqorsinermi aningaasartuutit Fødevarestyrelsip susassarinngilaa.

**§ 10.** Nalunaarut ulloq 1. april 2025 atuutilissaaq.

*Imm. 2.* Aalisakkanik uillunillu uumasunik il.il. aammalu saniatigut pisarisanik taakkunanngalu tunisassiarineqartunik killeqarfimmi nakkutilliinerit akeqartinneqalernissaat pillugu Kalaallit Nunaanni atuutilersitsinissamik nalunaarut nr. 964, 2. juni 2023-imeersoq atorunnaarsinnejqassaaq.